



Naalackersuisut innuttaasut nunaqarfinni isorliunerusunilu najugaqartut nammineerlutik illuliornissamut taarsigassarsisinaanissaminnut periarfissaat pitsanngorsarumallugu kiisalu nammineerlutik illuliornissamut taarsigassarsinissamut periarfissaannik ammasseqqinniarlugit suliaqarnissaannut peqquneqarnissaannik siunnersuut. Suliaq naammassineqariissaaq UPA 2024-mut.F

(Inatsisartunut ilaasortaq Jens Napãtôk')

(Siullermeerneqarnera)

Inatsisartunut ilaasortamut Jens Napãtôk', Naleraq siunnersuummut uunga.

Illorput angerlarsimaffipullu aallaavigaarput isumalimmillu inuuneqarnissatsinnut tunngaviusunut ilaalluni. Taamaattumik illu pitsaasoq torersorlu inuunerup naleqartinneranut pingaaruteqartorujussuulluni. Tassunga atatillugu nassuerutigissavarput, kikkut tamarmik, taamaattumik illoqanngimmata. Nunatsinni skimmelsvamp unaminatorsiortitseqqaaq, aammalu aserfallatsaaliinerit kinguaattoorutaasorujussuullutik. Taamaattumik oqarsinnaanngilagut, ullumikkut innuttaasut tamarmik pitsaasumik illoqartut.

Siunnersuutip uuma siunertaraa nunaqarfinni avinngarusimasunilu nammineerluni illuliornissamut taarsigassarsisinaanerinut periarfissat pitsanngorsarnissaat, aamma nammineerluni illuniornissamut taarsigassarsinissamut periarfissaq ammaqqinniarlugu. Tassani Demokraatit erseqqissaatigissavaat, maannakkut malittarisassaasut Inatsisartuni 2018-imi tamarmiusumik akuerineqarnikummata.

Taamani siunertaavoq, naatsumik oqaatigalugu, nunaqarfinni illoqarfinnilu minnerusununi nammineerluni illuliornissamut taarsigassarsinissamut periarfissaat toraagalimmik pitsanngorsarneqassasut, illuliornermut realkredit-ikkut taarsigassarsisinaanngitsunut. 2018-imi tamanna tapersorsorparput, sulilu tapersorsorlugu.

Paasivarputtaaq, Naalackersuisut 2022-imi inatsisip nalilersornera aallartissimagaat. Tamanna Demokraatinit tikilluaqqarput, silatusaartuujuaannarmat misissussallugu, inatsit suliniutillu allat ilumut iluamik ingerlanersut. Nalilersuinerup takutissagaluarpagut, maannakkut aqqissuussaasut siunertatut ingerlanngitsut, soorunami oqaloqataanissatsinnut piareersimavugut, qanoq ililluta aqqiisinaanersugut.

Tamanna tunngavigalugu siunnersuutip ataatsimiititaliami susassaqartumi suliareqqinneqarnissaa innersuussutigaarput, tassungalugu ilutigalugu siunnersuutigalugu aappassaaneerineqarnissaata 2023-imi ukiaanerani katersuunnermut kinguartinneqarnissaa, nalilersuineq isummernernissamut tunngaviusussamut ilanngunneqarniassamat.